

同其塵湛兮似或存吾不知誰之子象帝之先

沖虛也和也道以虛爲體以和爲用不盈猶不滿謂適中也人惟虛其心以應物則無不中其節故無盈滿之累也淵者深沉難測虛靜之謂虛靜者萬法之宗萬善之源也挫剛戾之銳懲其忿不害其氣也解煩冗之紛去其累不耗其精也韜其光不露其耀不自衒以傷神也混濁世不污其真不傲物以鍊心也湛者靜而明也若存者非有非無恍惚渺漠不可定見之謂也若定以爲無周流乎天地之中無物不有無所不在禱之則靈感之則應不得謂之無也若定以爲有莫能測其端倪莫能見其蹤蹟莫知其所以然不得謂之有也

道藏輯要

道德上經釋辭

六

心集九

恍惚有象渺漠難求自非至人孰能擬議老君自贊曰吾不知誰之子象帝之先象帝之先者鴻濛混沌無象無光二氣未彰五行未立溟溟淖淖難以象求先天之謂也

天地不仁章第五

天地不仁以萬物爲芻狗 聖人不仁以百姓爲芻狗天地之間其猶橐籥乎虛而不屈動而愈出多言數窮不如守中  
天地大生之仁聖人大化之仁不仁者無心於仁之謂也天地無心而化成至仁也 而言不仁者謂其不私物也聖人有心而無私至仁也 而言不仁者謂其不偏愛也芻狗祭品燎帛之具祭則用之已則棄之言其適用適棄皆出於無心聽

之於自然天地之於萬物聖人之於萬民皆然也天地運一  
氣生養萬物生者自生殺者自殺以任其自然心普萬物而  
無心也聖人運一心教養百姓安其分樂其業富貴貧賤聽  
其自然以天地之心爲心也故知天地者乃無心之聖人聖  
人者是有心之天地也橐籥虛中之器有鼓納闔闢之機惟  
虛故能納而爲橐籥之體故動則生風而爲橐籥之用以其  
中虛故能生氣所以噓之而不屈愈用而愈有也夫道不可  
以言求也不可以數窮也若以言語象數求之則愈求愈遠  
愈窮愈繁不如默然忘言如橐籥中虛寂然中泊然一圓常  
之妙於茲可見烏可多言也哉孔子曰予欲無言天何言哉

道藏輯要

道德上經釋辭

七

心集九  
×リ

四時行焉百物生焉卽此意也

谷神不死章第六

谷神不死是謂玄牝玄牝之門是謂天地根綿綿若存用之不  
勤

谷者虛也神者性之靈也谷神者虛寂不神之神也不死者  
謂不昧其機也然此真機虛寂有靈故稱妙有有而無相假  
名真空妙有真空玄牝根宗由是知之玄者虛靈之妙也牝  
者竅也這箇虛靈玄竅闔闢元氣體性圓通爲生化之本在  
人身天地之正中是造化根宗性命淵源實天地交界之所  
陰陽混合之處水火交媾之鄉凝結聖胎之地精神魂魄皆